

RÖPL.  
192

1542



53

3355.  
quart. Széch.

Handwritten text, possibly a library stamp or inventory record, including the number 3355 and the name Széch.

335  
 Als man zelt fünffzehnhundert Jar  
 Vnd zwen vnd vierzig da auff war  
 Das Reich in Ungern thet ein Zug  
 Darzu ein Steyer man anschlug/  
 Marggraf Joachim der Hochgeborn  
 In Oberster Felde Hauptmann worn/  
 Als nun das Volk zu Fuß vnd Ross  
 Mit der Kriegsrüstung vnd Geschoss  
 Hinab hin rucket nacheinander/  
 Als das Volk zam alles sandet

Am liebenden Julij mit Bescheid/  
 Zu Summerigen auff der Heyd  
 Nach dem das Heer zu Felde lag/  
 Vnd rucket abwärts von Tag zu Tag  
 In Regen vnd grossen Vngewitter/  
 Hunger vnd Frost ward manchen bitter/  
 Am vierzehenden Septembris  
 Der Türck sich erslich sehen lies  
 Zwen tausend stark bey Wöhen secht/  
 Jagt in Thonau etlich Landsknecht/

Mit Schiffn man libert Thonau brucht  
 Dar auff das Heer hinüber ruckt/  
 Doch ward die Bruck zwoy zerbrochen  
 Durch Verrätheren hat man gesprochen  
 Alten Ofen wurd eingenommen  
 Vnd auch die Insel vus zu frommen/  
 Auff der Thonau hielt man Scharmügel  
 Daran gewan der Türck doch Lüzel/  
 Die Italiener stiegen auß  
 Hielten zu Alten Ofen hauff/

Am acht vnd zweyßigen Septembris  
 Das Heer vor Pest sich inder lies/  
 Dar auff man also grausamb schoß/  
 Da hett man manchen Lermen groß  
 Vnd Scharmüßel für vnd für  
 Hüßern vnd Nassern nach gebühr/  
 Am ersten Octobris ich sag  
 Etwas auff ein Stund nach Mittag  
 Die Türcken auß Pest kunden sprengen  
 Meynten die Schantz vns abzutengen

Aber wir wehrten vns getreß  
 Herzog Moriz der kühner Fürst  
 Der wehrte sich als kühner Held/  
 Wurd von der Türcken Meng gefelt/  
 Jedoch einer seiner Trabanten  
 Vom Adel ist ihm begestanden/  
 Hat auch darob sein Leib verlornt/  
 So wurd ehret der Hochgeborn/  
 Des Monats auff den vierden Tag  
 Musen all Tröster ich sag

Vor Pest in freyen Feld auffblasen/  
 Darnach als Geschütz abgehen lassen  
 Den ganzen Tag auff Pest hinein/  
 Man schoß in den Thor Thüren ein  
 Vnd Mauer bis an das Kottund/  
 Das schiessen man ihn wehret vnd  
 Den andren Tag warff zu preiß  
 Auff ein frey Fäulein schwarz vnd weiß  
 Vnd nach Mittag fast umb ein Vhr  
 Der Sturm angelossen wur/

Aber unglücklich vnd verlohren  
 Da sind viel Knechte erschossen worn  
 Verhaut vnd wund mit stuschen Pfeiln/  
 Wer lebt thet zu dem Läger ehl/  
 Dieselbig Nacht der Türck vngheur  
 Macht ein wunderlich Freudenfeur  
 Zu Pest vnd Ofen vns zu trauren/  
 Auff all Thürnen Pastey vnd Mauren/  
 In allen Häusern Löchern vnd Fenstern  
 Daß es thet als von Feuer glenstern/

Sam wens ein rothe Kolen glut/  
 Den andren Tag man doch nit ruht/  
 Sonder schoß nem den halben Tag/  
 Wider zu stürmen was die sag  
 Das Fußvolck in Schlachordnung stan  
 Da wurd erschossen manich Mann/  
 Unser Geschütz hat man auff die Nacht  
 Auß der Schantz in das Läger bracht/  
 Zu Morgens auff die Schiff geladen  
 Auffwärts geföhret nach dem Schaden

Am achten Octobris geschmogen  
 Das Läger ist vor Pest abzogen  
 Auffwärts auff ein halb Teutsche Meyl  
 Da sind blieben in der ehl  
 Viel krank vnd wunder Knechte dahinde  
 Die der Türckisch Tyrann thet finden/  
 Auch verlich man viel Schiff vnd Fiß  
 Anzahl Schantzkorb gut vnd auch böß/  
 Das nit mit bringen mocht der Hauffen  
 Viel Trankts lies man in Thonau lassen

Am neunnden Octobris mit strauß  
 Da fiel der Türck von Pest her auß/  
 Da war sehr ein großer Scharmügel  
 Daran beyd Theil gewonnen Lüzel/  
 Herr Jacob Truckes auch vnbklam/  
 Also manich Mann da Schaden nam/  
 Auch an der Preun vil Knecht verdurben  
 Am heimlichen gar elend starben

Gott wöll sich ihr aller erbarmen  
 Umbsehen mit gnädigen Armen/  
 Vns auch geben ein reuig Herz  
 Das sich zu ihm bekehr auffwärts  
 Von allen Sünden zu der Buß/  
 Auff daß unser Hauptmann Christus  
 Eines mals selbst auffzieh mit sein Heer  
 Erzig sein Göttlich Gwalt vnd Ehr

An dem Blutdürstigen Nordt-Hund/  
 Stos ihn wie Tharonem zu Grund/  
 Daß sein Volk Fried vnd Ruh erwachs  
 Die vñ dort wünsch vns Hans Sachs.

Zufinden bey Georg Steinbach  
 in Nürnberg.

3355  
Könyv

5



Faint, mostly illegible text, likely bleed-through from the reverse side of the page. The text is arranged in several columns and appears to be a library record or inventory list.



